

scarfelle) aliarumque rerum, quae in antiquis *Ritualibus* reperiuntur, in dicto tamen *Pontificali* omiffae funt. Pars *Tertia* a fol. 254. inchoat ab *Ordine ferie IIII. in capite ieiuniorum*. Sequitur *Ordo in V. feria cene dimini, Ordo feria sexta in parasceue, in sabbato sancto, Ordo ad benedicendum mensam*, quae tria posteriora in mox memorato *Pontificali* defunt, *Ordo ad concilium seu synodum celebrandum*, sine Forma tamen Juramenti, *Ordo suspensionis* &c. tamen absque *Degradationis* Forma. Fol. 297. p. 2. *Ordo contra auram leuatam*, id est, contra tempestates. Reliqua hujus Partis etiam in *Pontificali* moderno v. g. *Venet.* 1758. 8. edito habentur. At vero a fol. 307. nobis habetur *Ritus Missae* ab Episcopo dicendae vel audiendae, *Instructio de Laudibus* seu *Rogationibus*, de *Gloria*, *Credo*, *Benedictione Episcopali*, *Ite Missa est*, de *Coloribus* in officio divino, de usu *baculi pastoralis*, *Sandaliorum*, *Mitrae aurifrisatae* et *simplicis*, et *Pallei* *Metropolit.* Succedunt *Benedictiones pontificales*, inter quas una *In translacione sancte corone domini*, nempe *Venetiis Parisios* a. 1239. Earum *Index*, *Ordo ad visitandum infirmum*, et *Ordo sepeliendi clericos romane fraternitatis*, in cujus rubricis inter alia habetur: *De mandato rectoris pater spiritualis veniat in medium. et reddat testimonium pro defuncto. si fuerit vnctus. si confessus et de vita sua testimonium rector querit a*

cuncto clero &c. Atque istud praesente corpore ante sepulturam.

DCCCXLV.

Codex membraneus lat. quem U. 73^a facile quis vetustiore crederet, Sec. XVI. Folior. 241. fol. max. caractere grandi pulcre per scriptus et coloribus amoenus, quondamque *Johannis Fabri Praefulis* nostri *Pontificale* est, sequentia complexum: *Benedictiones Vestimentorum sacerdotalium, Ordinem de confirmandis pueris, Clericorum ordinationem* per omnes gradus, *Impositionem primarij lapidis pro ecclesia edificanda, Ordinem ad benedicendam ecclesiam*, et *Consecrationem Altaris*, item *ad reconciliationem violatae Ecclesiae, Ordinem in Cena domini* videlicet *reconciliationis Poenitentium*, demum *Benedictiones pontificales super populum Maiorum festiuitatum*. In ordinatione Clericorum fol. 21. p. 2. Episcopus Ordinandos ita adfatur: *Nos Georgius dei et apostolice sedis gratia Episcopus Viennensis* &c. Vides igitur scriptorem Codicis antiquius aevum mentiri, quod non semel accidit; nam *Georgius* hic *Labacensis de Zlatkonja*, quod lingua Carniolorum *Equum aureum* sonat, unde a quibusdam etiam *Chrysispus* dictus est, infulas *Viennenses* ab a. primum 1513. ad a. 1522. gessit. Plura de laudabili hoc Viro retuli in *Memorab. Bibl. Garell.* p. 258. et pluribus *Hist. Typogr. Viennens.* locis. Fol. 64. p. 2. jub-

2081

LITURGICI.

2082

bentur Clerici orare *signanter pro Illustrissimo Duce N. Austriae*, et fol. 125. ubi praescribitur Cantus chori in circumgestatione Reliquiarum, addit Rubrica: *Populus uero sequens habeat suas leysfas. Ritualia Passaviensia hoc Vol. relata dixerunt suas Alleluias, vel Vociferationes; at vero τὸ Leiffas a corrupto kyrie eleison descendere videtur.*

DCCCXLVI.

H. 2 Codex membraneus lat. Sec. XVI. Folior. nunc 78. f. luculente, eleganterque perscriptus, deauratus, et picturatus exhibet Opus liturgicum ita praenotatum: *Ut ea que ob varietatem inquirendi in sacris missis celebrantium animum sepe perturbant, facilius in posterum inueniri possint, attentiusque in tam sacro misterio et deuotius ut decet vacetur, Gasparis de Capris Episcopi Asten. industria aliquarum pontificalium missarum cum suis solitis ceremonijs prout sequitur ordo ad sui et successorum maxime commodum inuentus est. Praeit folium Insignia Julii III. (Joh. M. de Monte) P. M. repraesentans cum lemmate: *Mons in quo beneplacitum est Deo habitare, et ὑπογεαφῆ: Aureus hic mons aereus est felicitis memorie Julio III. Pont. max. argopastori vigilantissimo dicatus cuius gratia Gaspar de Capris Presul Asten. designatus. Accepti memor beneficii monere censuit in hoc pontificalium missarum ordine pro sa-**

*lute et requie sue sanctitatis orandum esse. Nam etsi beatus in vita, quia mortalis, obiit die 23. Martij. M. D. L. V. Designatus est Gaspar de Capris seu Caprius Taurinensis ad infulas Astae, quae in Liguria mediterranea Sabaudici juris est, a. 1550. et a. 1568. infelici prolapsu scalis illisus periit. Plura de eo Ughellius Ital. sacr. T. IV. p. 399. qui si Codicem nostrum vidisset, reperisset fol. 4. gentilitium Viri Insigne: nigram capri προγομην in area aurea cum lemmate: *Omne bonum ex alto*, quo fortasse ad Julii III. Montes adluditur. Inest porro in eo Series Missarum Pontificalium pro praecipuis anni Festis ducto a B. V. Annuntiatione initio, atque inter eas etiam Missa in die S. Secundi martiris Astensis, et S. Eusebii nempe Vercellensis. Picturae, quae singularum frontem ornant, non in ipsa membrana effictae, sed glutino ei superinductae sunt. Inter 58. et 60. folium excidit.*

DCCCXLVII.

Codex membraneus lat. Sec. R. 3300 XIII. Folior. 78. 4. maj. splendide exaratus, miniatus, Literis initiorum partim auro fulgidis, partim jucunde picturatis Ceremoniale Abbatis est complexum Evangeliorum principia, Antiphonarium, Hymnarium, Praefationes, Canonem Missae, atque Orationarium pro toto anni decursu. Antiphonario imposita sunt antiqua modulandi cantus signa ante *Guidonem*